

B24 補充講義

開仁 2017/9/7

講義 130

韓清淨《披尋記》(四), p.2605 :

具依勝義彼不可得者：謂依勝義，如來境界不可思議，名不可得，非如言說可取相故。

講義 131

1、韓清淨《披尋記》(四), p.2605 :

一切愛蘊者：謂五有取蘊應知。由愛最勝，故名愛蘊。

2、韓清淨《披尋記》(四), p.2605-2606 :

內有三德者：前說愚夫內所荷擔，與能荷擔，及荷擔時諸差別相，名有三德。外無如是勝功能故。

講義 134

1、韓清淨《披尋記》(四), p.2606 :

與慧解脫阿羅漢等者：此中等言，等取心解脫、俱解脫阿羅漢應知。

2、韓清淨《披尋記》(四), p.2606 :

遍依勝義等者：謂於補特伽羅，若已成熟，即於現法得般涅槃，是名有能；或證現觀，名現見法。若未成熟，即於現法不般涅槃，是名無能；或不證現觀，名不現見法。於此一切皆悉了達，當知此由等覺為依，故能如是遍行一切，是名遍依勝義。

3、韓清淨《披尋記》(四), p.2607 :

當知了達如是四相者：此中四相，謂即前說有能、無能、若現見法、不現見法應知。

4、韓清淨《披尋記》(四), p.2607 :

又依他義作所作等者：作所應作，名作所作。等言，等取不應作、非所作應知。

5、韓清淨《披尋記》(四), p.2607 :

非最後有菩薩身中二行可得者：前說聲聞或已成熟、或當成熟，唯約證般涅槃為論，是故說隨道行，及於現法成大師教，是名二行。菩薩不爾，不般涅槃，非有二行可得，故作是說。

講義 135

1、韓清淨《披尋記》(四), p.2608 :

無損樂故者：無漏界中，一切羶重諸苦永斷，住無損惱勝義樂故，名無損樂。

2、韓清淨《披尋記》(四), p.2608 :

雖復在此極善般到者：謂於無我無倒、無間、殷重如理思惟，是名極善般到。義如〈攝異門分〉說。(陵本八十三卷十三頁 6313)

講義 136

韓清淨《披尋記》(四), p.2608 :

初中後滅者：謂如前說，於欲界中初中後位，諸行流轉諸苦滅故。

講義 137

韓清淨《披尋記》(四), p.2609 :

依過去為因有性者：謂於過去諸欲顧戀為因，有體性故。

依未來所生諸行為因有性者：謂於未來諸行欣樂為因，有體性故。

依現在未斷意樂雜染有性者：謂於現在雜染，未為修涅槃道之所對治，有體性故。

講義 138

韓清淨《披尋記》(四), p.2609 :

由世間智者：此世間智，謂順決擇分攝「下、中、上忍」應知。

講義 139

1、韓清淨《披尋記》(四), p.2609 :

如空、無相及無所有等者：此中無相，謂無我、我所相。無所有者，謂無貪瞋癡三種所有。如前已說應知。

2、韓清淨《披尋記》(四), p.2610 :

由此意樂等者：謂於長夜，其心愛樂世間色聲香味觸等，為諸色聲香味觸等滋長積集。由是因緣，雖於涅槃深心願樂，而復於彼不能趣入、不能證淨、不能安住、不能勝解，其心退轉。於寂靜界未能深心生希仰故，有疑慮故，其心數數厭離、驚怖。如前〈聲聞地〉說應知。(陵本三十四卷十八頁 2785)

講義 140

韓清淨《披尋記》(四), p.2610 :

由前名通達智等者：眾聖位中，有學名前，無學名後，如其次第，名通達智、善清淨見。

講義 142

韓清淨《披尋記》(四), p.2611 :

是故說名共推善色者：謂彼如是色類補特伽羅，愚類眾生咸共推許名為善故。

講義 143

1、韓清淨《披尋記》(四), p.2612 :

并彼所受諸惡邪法者：謂彼所受諸惡邪法，亦為他論制伏輕毀故。

2、韓清淨《披尋記》(四), p.2612 :

謂在人中容有二種者：於人趣中，多分引苦，少分引樂，名樂所隨。

3、韓清淨《披尋記》(四), p.2612 :

未永離樂等者：謂在第四靜慮已上，現雖無樂，然有隨眠，猶為當樂所隨故。